



Bosna i Hercegovina
Federacija Bosne i Hercegovine
TUZLANSKI KANTON
GRAD ŽIVINICE
GRADONAČELNIK
Broj : 01/2-04-89-2913/24
Živinice, 13.12.2024.godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06 i 51/09), člana 38. Statuta Grada Živinice ("Službeni glasnik Grada Živinice", broj 5/19 i 9/21), član 3. Budžeta Grada Živinice za 2024. godinu ("Službeni glasnik Grada Živinice", broj 01/24, 9/24,) član 61. stav 2. Odluke o izvršenju Budžeta Grada Živinice za 2024. godinu ("Službeni glasnik Grada Živinice", broj 1/24, 9/24 i), a u vezi sa realizacijom budžetske pozicije: Podsticaj razvoju poljoprivrede - Različiti vidovi podsticaja i podrške, na prijedlog Službe za lokalni ekonomski razvoj finansije i trezor Grada Živinice, Gradonačelnik donosi

PRAVILNIK
o utvrđivanju kriterija, uslova i postupka za ostvarivanje prava na novčanu podršku u proizvodnji krastavca kornišona u 2024. godini

Član 1.

Pravilnikom o utvrđivanju kriterija, uslova i postupka za ostvarivanje prava na novčanu podršku u proizvodnji krastavca kornišona u 2024. godini (u daljem tekstu: Pravilnik) utvrđuju se kriteriji, uslovi i postupak za ostvarivanje prava na novčanu podršku u proizvodnji krastavca kornišona u 2024. godini.

Pravilnikom se predviđa podsticaj poljoprivrednih proizvođača koji imaju proizvodnju kornišona na površini najmanje od 0,05 ha (pola dunuma) i sklopljen ugovor sa otkupljivačem-prerađivačem.

Član 2.

Podrška se ogleda u novčanom iznosu od 500,00 KM po 0,10 ha (jedan dunum) obrađene površine.

Član 3.

Pravo na podršku imaju lica sa područja Grada Živinica koji imaju zasnovanu proizvodnju krastavca kornišona na vlastitom ili iznajmljenom zemljištu sa najmanjom površinom od 0,05 ha (pola dunuma) u 2024. godini i sklopljen ugovor o plasman proizvoda sa otkupljivačem- prerađivačem.

U ime proizvođača Prijavu podnosi otkupljivač-prerađivač-organizator proizvodnje. Proizvođači krastavca kornišona **nemaju** pravo na novčanu podršku ukoliko su ostvarili posticaj po Javnom pozivu proljetna sjetva-sadnja i proizvodnja mlijeka u 2024.godini.

Član 4.

Gradonačelnik će imenovati Komisiju za provođenje postupka odabira kandidata za dodjelu finansijskih sredstava u smislu ovog Pravilnika, čiji su poslovi i zadaci regulisani članom 6. ovog Pravilnika.

Na prijedlog Službe za lokalni ekonomski razvoj, finansije i trezor Grada Živinice, Gradonačelnik će objaviti Javni poziv za podnošenje prijave za ostvarivanje prava na novčanu podršku za proizvodnju krastavca kornišona.

Javni poziv iz prethodnog stava objavit će se na web stranici Grada Živinice i Oglasnoj ploči Grada Živinice i ostaje otvoren 7 dana računajući od dana objave na web stranici Grada Živinice.

Član 5.

Pravna lica koja imaju organizovanu kooperativnu proizvodnju krastavca kornišona će u **ime svojih kooperanata sa područja Grada Živinice** dostaviti za svakog proizvođača sa kojim imaju potpisan ugovor o otkupu krastavca kornišona u 2024. godini, sljedeću dokumentaciju:

- 1. Popunjen i potpisan obrazac prijave na javni poziv, koji je sastavni dio ovog Pravilnika,**
- 2. Rješenja o registraciji organizatora proizvodnje, fotokopija,**
- 3. ID broj organizatora proizvodnje, fotokopija,**
- 4. Ugovor o proizvodnji - otkupu krastavca kornišona zaključen između proizvođača - kooperanata i otkupljiivača - organizatora proizvodnje, fotokopija,**
- 5. Kopija faktura sa kopijom fiskalnih računa kooperanta na kojem je jasno navedena vrsta i cijena repromatrijala za proizvodnju krastavca kornišona u 2024. godini,**
- 6. Spisak proizvođača krastavca kornišona - kooperanata ovjeren pečatom otkupljiivača - organizatora proizvodnje koji mora sadržavati sljedeće podatke:**
 - ime i prezime svakog kooperanta
 - podatak o preuzetim količinama sadnica krastavca kornišona za svakog kooperanta
 - podatak o zasađenoj površini za svakog kooperanta
 - matični broj svakog kooperanta
 - broj tekućeg računa i banku u kojoj je otvoren za svakog kooperanta
 - broj telefona kooperanta.

Član 6.

Zadatak Komisije iz člana 4. ovog Pravilnika je:

1. Provođenje kompletne procedure izbora po osnovu Javnog poziva kojeg će raspisati Gradonačelnik,
2. Sačinjavanje preliminarne rang liste prijavljenih kandidata koji ispunjavaju uslove i objava iste na web stranici i Oglasnoj ploči Grada Živinice, na koju nezadovoljni kandidati mogu izjaviti prigovor Komisiji Gradskog vijeća za rješavanje po žalbama u drugostepenom postupku (u daljem tekstu: Drugostepena komisija) u roku od 5 dana, računajući od dana objave na web stranici Grada Živinice,
3. Nakon odluke Drugostepene komisije (ukoliko bude prigovora), Komisija će sačiniti i objaviti na web stranici i Oglasnoj ploči Grada Živinice, Konačnu rang listu kandidata koji su ostvarili pravo sa iznosom finansijskih sredstava koji će se dodijeliti iz Budžeta Grada Živinice.

Komisija će poslove iz ovog Pravilnika obavljati u toku radnog vremena i bez naknade.

Član 7.

Finansijska sredstva za ostvarivanje prava na novčanu podršku u proizvodnji krastavca kornišona u 2024. godini dodijeliće se u skladu sa iznosom raspoloživih finansijskih sredstava u Budžetu Grada Živinice za ove namjene u 2024. godini, a maksimalno do 35.000, 00 KM.

U slučaju da je ukupan iznos finansijskih sredstava po dostavljenim prijavama na objavljeni Javni poziv isti ili manji od iznosa finansijskih sredstava koja su u Budžetu Grada Živinice planirana za ove namjene, puni obračunati iznos podrške dodijeliće se svim podnosiocima prijava koji se nalaze na Konačnoj rang listi.

Ukoliko je ukupna iznos traženih sredstava podnosilaca prijava koji se nalaze na Konačnoj rang listi veći od iznosa planiranih sredstava u Budžetu Grada Živinice za 2024. godinu, izvršiće se srazmjerno umanjenje odobrenih novčanih sredstava do iznosa predviđenog u Budžetu Grada Živinice za 2024. godinu, tako da ukupan iznos dodijeljenih sredstava ne prelazi iznos planiranih sredstava u Budžetu Grada Živinice za 2024. godinu.

Isplata novčanih sredstava vršiće se na tekući račune fizičkih lica proizvođača krastavca kornišona – koperanata za koje su organizatori proizvodnje podnijeli prijave.

Član 8.

Služba za lokalni, ekonomski razvoj, finansije i trezor Grada Živinice će na osnovu Konačne rang liste koju sačini Komisija dostaviti Gradonačelniku prijedlog za donošenje odluke o dodjeli/isplati finansijskih sredstava za podsticaj u smislu ovog Pravilnika.

Član 9.

Ovaj Pravilnik stupa na snagu danom donošenja, a objavit će se u Službenom glasniku Grada Živinice.

Pripremili: Mirsad Butković_____

Predložio i kontrolisao: Indira Džeko_____

Kontrolisao: Suvad Butković_____

GRADONAČELNIK

dr.sc. Began Muhić

Dostavljeno:

1. Web stranica Grada Živinice,
2. Oglasna ploča Grada Živinice,
3. Služba za LER, finansije i trezor,
4. a/a.